

santi Ursuari scandunt reclamaturi, creditur, nec vana spes est, nunquam inultum iri. Experti sunt hoc plerique, et sero licet ingemere. Nimirum locum, quem rexit corpore vivens, tuetur meritis, cum Christo regnans et in ipso gaudens.

43⁵³⁷ Presbyter est quem Osingerum nominant⁵³⁸, qui ita paralis erat dissolutus, ut cervix in ipsa junctura resiliret⁵³⁹. Quid dicam, quod loqui non poterat, cui omnium membrorum officia, solo spiritu anhelante, defecerant. Hic in hac valitudine annum explens, alterius solatio, elemosinis fidelium sustentabatur. Jacebat autem in villa Fleon dicta, cui vicina⁵⁴⁰ est illa nativitas sancti⁵⁴¹ Ursuari ministra, in qua erat ecclesiola lignea, quam ferunt eum propriis manibus compaginasse et in prædio suo dedicasse. Quadam die euntibus quibusdam cum planstris in Augusta Viromandorum (132) mercandi gratia, rogavit virtute qua poterat, ut superpositus plaustro ad supradictam ecclesiolam duceretur. Factum est. Positus est in ecclesia⁵⁴², et ibi pernoctavit. Mane autem facto, voluit temptare, confusus de Dei misericordia et sancti Ursuari interces-

sione, utrum per se in ipso grabato posset sublevatus residere. Fecit, miratus est rem. Deinde paulatim reviviscendo, viribus in membris resumptis⁵⁴³, erexit se, et ambulavit, gratias agens Deo et patronatori suo. Nos postea frequentibus ejus missarum celebrationibus usi⁵⁴⁴ sumus in eodem loco. Sanus ipse de reliquo, præterquam cervix quæ resilierat⁵⁴⁵ parum retorta videretur, puto propter commemorationem tam mirifici beneficii, ad populandum omnibus, quantum valeat in conspectu Domini meritum sancti sui.

44. Retulit isdem presbyter nobis, quod⁵⁴⁶ quadam die in ipsa ecclesia, cui in recompensatione beneficii jam dicti deservebat⁵⁴⁷, dum⁵⁴⁸ missas ageret, lecto evangelio, vas quod consuetudinaliter juxta altare cum vino pendebat, in calicem versat, sed vinum ita congelatum erat, ut nec gutta proflueret. Dat vasculum clerico ministranti, ut glaciem igni resolvat; ipse interim officium percelebrat; dum tardatur, ille respexit ad calicem, qui plenus vino inventus est, adeo ut pene excresceret

VARIAE LECTIONES.

⁵³⁷ hæc capita apud Dach. supra 35 et 36. ponuntur, in 3, vero ante cap. 24, leguntur. ⁵³⁸ n. sed et hic adhuc superest 3. ⁵³⁹ resileret 1. ⁵⁴⁰ vicina? 1. ⁵⁴¹ s. u. desunt 1. ⁵⁴² ecclesiola 3 Dach. ⁵⁴³ reviviscens membris mirum dictu erexit 3. Dach. ⁵⁴⁴ fructi 3. Dach. ⁵⁴⁵ resilierat 1. ⁵⁴⁶ quia dum 3. ⁵⁴⁷ i. d. d. desunt 1. ⁵⁴⁸ deest 3.

NOTÆ.

(132) St. Quentin.

ANNO DOMINI DECCCXCI.

ERKEMBALDUS

ARGENTINENSIS EPISCOPUS.

NOTITIA HISTORICA IN ERKEMBALDUM.

(Gall. Christ.)

Erkembaldus a puero litteris humanioribus apprime excultus librorum semper studiosus fuit. Promotus ergo exigentibus meritis an. 965 ad episcopatum Argentinensem, cum jam, ut diximus, decessoris esset coadjutor, inauguratur a Guillelmo archiepiscopo Moguntino, inde præsulum 17 ipse consecrator, inter quos duo Moguntinenses archiepiscopi Hatto et Rupertus numerantur. An. 966 Altorsii consecravit ecclesiam. Eum Joannes papa XIII summis laudibus effert in epistola, qua illi sedis apostolicæ protectionem in omnibus spondet. Neque minori fuit in pretio apud Ottonem II imperatorem, a

quo sui regiminis anno 17 insigne privilegium obtinuit datum anno 982, indict. x, octavo Idus Januarii, anno imperii ejus decimo quinto, regni autem 25. Illud recitat R. P. Lagueille in Probationibus historiæ Alsatiae pag. 25. Vitam clausit Erkembaldus an. 991, vi Idus Octobris ex chronographo Saxonæ apud Ekecardum, pag. 363 et ex Necrol. Fuldensi, ait Nuperus auctor proxime laudatus. Plurimorum ex antecessoribus vitam descripsit metrico sermone, quod opus una cum libris undequaque collectis in bibliothecam ecclesiæ suæ congregavit.